

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

03

MAY 11 1951

KT9117 /1142 (8)

渡邊家文庫			
函	二	四	漢書類
架	冊	號	類
三			

帶經堂集卷三十五

歙門人程哲校編

新城王士禎貽上

漁洋續詩十三

庚申稿

喜聞官軍已復保寧

大將臨興勢神兵下武都地中鳴鼓角天上拔虜  
弧困獸誰能鬪長鯨竟就誅錦屏連劔閣絕壁勒  
銘無

二月六日雪荅耦長兼示冰修

長安春雪好作態故霏霏乍入幽蘭曲真疑柳絮  
飛故人同委巷曉色共清暉且擬調湯餅比鄰問

渡邊千春遺愛書



陸機

九日又雪

時王師已復成都

三度長安雪花朝落更勻映空初宛轉著樹更鮮  
新劔外移軍遠 宮中送喜頻峨眉天半色重照  
錦江春

同愚山侍講弘衍菴看海棠東耦長四首

韋杜城南十萬家東風處處酒旗斜不知冷節  
息過猶見僧樓一樹花

木魚聲靜佛香遲日午風簾自在垂好是維摩方  
丈室恰逢天女散花時

沒骨天然別有情風流何處錦官城會禽圖裏依  
稀見安得徐熙為寫生

平陽池館亞枝紅移入香林便不同莫為叢殘自

憐惜梅家詩體擅江東

耦長先有二絕句

健菴宮贊送金陵伊氏扇

舊京扇貴李昭骨二百年來名滅沒近來後出仰  
與伊細研剡藤如笏滑骨取湘江斑竹枝黃楊烏  
角光參差妙手須煩畫蟬雀名流底許矜蒲葵蘋  
末微風散高柳八尺琉璃當戶牖持贈難忘東野  
亭題詩遠愧東陽守

盆魚

井泉初汲寒射鮒萍衢界水花紛敷草堂咫尺見  
 濠濮碧羅扇底紅鱗魚丹砂瑋瑁非一狀亦有玉  
 雪瑩冰壺中庭兩樹正交蔭日夕蟬鳥相嗚呼朱  
 門定無此輩客但聞擊鼓吹笙竽匡牀視景移枕  
 簟風來蘋末看跳珠夜涼月白河漢轉起聽啾沫  
 疑江湖托身幸得遠鯨鱣一一尾鬣乘清虛出入  
 苻藻絕斷滬笑渠殘鱠矜王餘誰為惠施解吾樂  
 牀頭尚有蒙莊書

送張仲誠知資縣 沐

不憚三巴遠高名 萬乘知子規聲斷處山木雨  
 來時囊有涪州易園無魯相葵王褒諸弟子應習  
 鹿鳴詩

送于郎鏡川之隴州

年少題輿志不違羨君捧檄向庭闈地經漢時應  
 懷古俗近豳風早授衣鸚鵡語時山雨細麝香眠  
 處吏人稀相思祇詠吳興句隴首秋雲幾日飛

東丹王射鹿圖念東先生席上作

人馬勢逸不可當開圖素練生風霜奇哉落筆如  
 挽強誰其作者東丹王東樓西樓二千里乘秋出

三子四六  
瀟湘雜言卷十三  
三  
獵凌窮荒番部紅靴鐵裊褱左射右射必疊雙鑿  
蹄驕馬如風檣三花翦鬣紛怒張俊鶻初變為正  
鷓蒼鷹塌翅隨馬韁雄狐狡兔皆遁藏射麋麗龜  
走且僵東丹昔日稱人皇扶餘開國鄰扶桑秋冬  
射獵海東磧頭鵝燕罷傳醴漿跨海南歸大梁苑  
時時夢憶穹廬鄉往往丹青自遊戲寸縑尺素如  
琳琅宣和壓架六千軸東丹九幅千金裝艮岳灰  
飛玉匣散此圖豈不關興亡蠟炬如椽照空廊雄  
談劇飲累百觴東丹丹青遠擅場蹊田奪牛語堂  
堂令人千載悲同光

題馬宛斯小照三首

肅

里名通德舊傳經暖翠浮嵐入戶庭今日黃山山  
下路空餘書帶草青青

何鄭千秋樹齒牙輸攻墨守各堅瑕大官解擅春  
秋癖不數公羊賣餅家

山陽笛裏劇堪憐宿草何時哭墓田更有人琴斷  
腸處彭城風雨對牀眠

君與先兄西樵俱以  
癸丑七月捐館舍

懷東園

先太師  
公別業

謝傅登臨墅蒼涼系水涯無人掃苔徑長日落楸  
花洞壑殘山得湍流壞磧斜當年遊詠處幾度側

烏紗

懷南園 先方伯公別業

為園負南郭佳日屢巾車好雨連花節清池長麥  
魚朱藤臨水照白袷向風疎農圃高人意猶存記

勝書 公撰君華芳譜於此園之二如亭

題耦長畫寄千峰轉運二首

寒山落木石峻增柳櫪穿雲最上層行過虎溪看  
塔影此中合著六朝僧

汝南筆似邢和璞移得衡廬第幾層忽見畫圖疑  
發甕前身憶是打包僧

李渭清簡討以龍鬚二莖見贈來書云有風

鬚霧鬚之態非火鬚朱鱗比也戲報長句

阿誰拔此蒼龍鬚白如珂雪光驪珠風鬚霧鬚憶  
髣髴汜人愁態瀟湘姝鮫室織絲冰萬縷博山龍  
涎午方鬻龍皮之扇驅殘暑紫拂龍髯勝揮塵夢  
入瀟湘洞庭渚貝闕金堂見龍女樂奏還宮迎貴  
主錢唐破陣交風雨覺來一笑望秋空依舊癡龍  
卧相語

齋中三詠

金孝章畫梅 俊明

鄧尉花時雪幽人日往還生綃纜半樹忽憶漁洋  
山

徐昭法畫芝

枋

天池白雲裏寫此商山姿感君黃綺意勝食齋房  
芝

王玠右草書

光承

逃名東海上時復帶經鋤自是高人筆非同餓隸  
書

題吳漢槎秋笳集

松花江遠波冥冥長白山高秋葉零絕域音書憑

鴈帛十年冰雪老龍庭鄴中上客思吳質郡北流  
人託管寧聞道金門紛筆札劇憐汗簡為誰青

劉子端舍人惠琴魚

琴溪水泱泱鯉魚三尺長琴高騎鯉撇波去至今  
溪水桃花香桃花香時臨上巳琴魚忽徧琴溪水  
半寸難求鱗與鬚況從丙乙分腸尾由來風俗當  
園蔬水鄉風味無時無居然遠致同茶筍不用門  
生議蟹鮓故人家傍琴溪渡渡口桃花千萬樹花  
時魚美酒正熟好共琴溪結茅住

送梅耦長歸江南五首



三十三  
三十三  
六  
萋萋秋卉腓稍稍涼風至社燕無遺音歸人起離  
思南去范零陵西上蕭諮議如何平生歡一朝成  
棄置

華館曖清陰明河澹將夕宿昔聞履綦今宵忽離  
席還抱綠綺琴一送將歸客客思如流波先馳故  
鄉陌

故鄉信可戀佳麗石城頭況此素秋月森森清淮  
流芊綿出江樹迢遞認歸舟若過桓伊步知予懷  
舊遊

舊遊那可再蹉跎成皓首予對玉泉雲君攀白門

柳江山一寥落顧影念攜手相思不相見誰共盈  
尊酒

故人陸內史

謂辛齋

共詠燕山雪良時易遲暮復屆清

秋節山中芳杜若聊持贈離別別後雪如花應知  
寸心折

三原貞靖房先生祠白松詩

貞靖祠堂俯濁涇雙松如蓋晝冥冥歲寒不競春  
華色浩劫長棲白帝靈丞相錦城凋古柏昭陵玉  
匣哭冬青蒼茫一物關今昔且把長鑱斲茯苓

題戴楓仲丹楓閣圖圖山長作



玉露塗蘭堦明河耿遙夕昨別宛陵人長耦復送華

亭客渺渺九峰青茫茫五湖白秋風佳景時菰蓴

正堪摘故園隱君子夙抗嘉遯跡吳六益沈友聖既丘

園董生水蒼亦山澤問訊今何如予懷在三益

聞君遊蓬池訪阮公嘯臺臺上多悲風臺下生蒿

萊淶水揚洪波東逝不復迴南有三亭岡寒蕪望

崔嵬一言奪相印應侯亦奇才當其置廁時何異

諸輿僮君行大梁道覽古紛徘徊埋照實至慎睚

眦終禍胎且呼竹林人啜醢盡餘盃

送江辰六令益陽三首

作吏湘南去浩然尋舊遊秋風吹木葉初下洞庭  
流域對茱萸岸香傳杜若洲球門高唱在重上岳  
陽樓

小邑稀公事高齋俯洞庭佳期邀帝子遺曲感湘  
靈澗水悠悠綠君山面面青詩成閑拄笏雲際九  
疑亭

石鼓鳴何急巴陵有戰塵三江連楚粵五渚奪荆  
秦慘澹兵方息艱虞氣益振遺民勞撫字不必弔  
靈均

瞿山畫松歌寄梅淵公

三〇四一  
誰能畫龍兼畫松鱗而爪鬣行虛空誰能畫松如  
畫石石骨犖确松蒙茸韋蠻董羽兩奇絕眼中突  
兀瞿山翁瞿山翁所居乃在柏視深山中此山上  
與黃山通軒轅鼎成上天去遺薪往往成虬龍翁  
時散髻坐顛頂興酣潑墨浮空濛孤根裂石不三  
尺倒飲萬丈疑雄虹瞰臨崢嶸下無地盤拏雲霧  
迴長風世人少見多所怪絕技豈必昭羣聳兩峰  
對起何龍從瀑流直下當其衝輞雷噴雪不知數  
下與松勢相撞春撫松看瀑者誰子得非偃佺之  
屬青羊公何時與翁結廬天都雲海東松肪煮罷

方兩瞳更千萬世無終窮

送同年伊翁菴中丞開府雲南二首

金馬山前駐碧油青蛉塞外陣雲收天威近已通  
諸賅王會依然徧九州銅弩雨深諸葛壘叢祠春  
賽潁川侯饒歌鼓吹征蠻府萬里昆明是壯遊

柏臺新命 帝親除重譯西南罷羽書雒將朱鳶  
皆內屬越人黃屋竟何如賜來天廡飛龍馬行避  
中丞赤棒車荒服祗今勞 睿慮要令絕域化耕

鋤

雨夜再題瞿山畫松

三十三  
林燈明暗雨模糊雷電冥冥夜氣孤破壁長松欲  
飛去曉來疑是坐龍圖

宣和御府所藏有  
僧傳古坐龍圖一

供奉某君歸吳門索詩五首

玉斧森沉罷講迴承恩別殿午仍開凌煙將相尋  
常事曾寫龍顏日角來

歸釣吳松四十鱸手炊楓葉飯雕胡却思待詔  
蓬萊上細寫淋池斫鱠圖

弄筆明牕作卧枝寫生妙處幾人知篋中籐角光  
於水貌得蠻鳩義燕兒

暫別含香紫禁前却尋春浪白鷗邊五湖鰕菜天

然好多事襄陽書畫船

一片青山短簿祠夕陽花塢帶茅茨歸心便逐江  
鴻去已過橙黃橘綠時

聞道

聞道降王入經時尚濟西徘徊爲怪鳥進退類藩  
羝鐵券功何在金牀夢已迷迴頭郿塢遠不必怨  
然臍

雨集孫樹百給諫宅送田子綸學使之江南

聽小史彈琴作

愁霖應商節迴飈散高樹蕭蕭梧葉零稍稍征鴻

去美人將何適遙指楓江路遠別念平生良時怨  
遲暮何用緩離憂金徽寫情素簾閣晝沉沉彈作  
滄江雨宛憶建業時迴船泊瓜步別後最相思空  
江落帆處

答劉子羽見懷

聞君卜築處舊傍琅琊臺海氣秋逾遠濤頭日幾  
迴秦封猶廣麗石刻自莓苔想像高吟罷鯨魚跋  
浪開

閏八月十五夜

好月當三五中秋兩度看依然銀漢影不改暮雲

端玉漏宵逾永清輝晚更寒白榆何歷歷猶映漢  
宮盤

閏中秋夜不寐悼亡

時張宜人  
歿四年矣

商飈浙浙響庭除竟夕蘭膏映綺疏閏氣經時驗  
梧葉月華重見溢方諸紅牆銀漢途難越碧海青  
天怨有餘怊悵江東謝希逸芳塵凝榭欲何如

進馬

庚申閏八月奮威將軍王  
進寶自固原進馬二十四

聞道安西將龍媒貢御新籟雲近閭闔行地有  
騏驎險阻三巴路驍騰百戰身長鳴思駕馭終為  
靜風塵

三子  
三  
聞蜀警懷茂衍大參

行李捫參井何時達錦城懸軍今益部設險古南  
京夔府公孫壘瀘江漢相營艱危望消息天末未  
休兵

不得宋荔裳紀綱入蜀接取妻孥消息

宋玉今終古西川信未通九原悲馬鬣八口寄蠶  
叢想像離綿竹艱難出大蓬猶聞豺虎亂未可沂  
巴東

聞 詔起奮威將軍鎮保寧

仍用貢馬韻

手詔雲霄下將軍授鉞新即看驅虎兕不必鬪麒麟

麟百戰能輕敵孤忠久致身龍驤功第一重憶定  
三秦

聞官軍復瀘州

月黑斫連營嫖姚轉戰輕已探猛虎穴急扼釣魚  
城三峽烽相照雙江浪漸平萬州羣盜在從此事  
刀耕

題黃鶴山樵破牕風雨卷

卷首四字分隸書古田作

風雨催黃葉蕭蕭下敝廬秋涼擁衣褐老屋卷殘  
書遠岫茫茫失寒潮淦淦虛故園饒此境歸思近  
何如

為山長從兄題耦長雜畫三首

一鳥不飛山氣昏蕭蕭黃葉掩苔痕蒼崖徑絕扶  
筇到倦即讀書秋樹根

夕陽烏柏染霜明蘆荻蕭條煙火生一抹紅霞數  
聲笛又催新月上江城

飛瀑蜿蜒下白龍龍鱗剝盡一株松渡江聞訪陶

弘景人在三茅第幾峰

時耦長  
在句容

懷翁菴中丞沅州

渺渺沅江路悠悠楚塞窮昆明猶萬里休聽鼻亭  
公

謝人送松花

勞山千萬松六月失炎暑松膏化為鷺松花落如  
雨色黃侔蒸栗味滑勝鍾乳會從嘯父遊白日生  
毛羽

遇袁士旦訊唐耕塢舍人遺集

腹痛平生意逢君感慨頻似聞梅冶住曾與孟家  
鄰賦鵬傷何已題鷺墨尚新

耕塢  
五書

所忠今在否誰問

茂陵人

送陸辛齋歸海寧

叢菊初花秋氣深花前君唱渡江吟杜陵乍喜歸



三徑寶劍猶堪直  
百金尊酒離亭折  
楊柳孤舟遙  
夜泊楓林若耶谿  
水雲門寺欲約東遊思  
不禁

蔡圖爲牧仲郎中賦

何人畫此四尺蔡  
目光暘暎生寒毛  
重鉤繫頸氣  
何驚望之非獫狁  
非歇驕美鬣碧眼手  
自操番部君  
長身帶刀豪豬作鞞  
獸錦袍西旅底貢來  
周郊畫師得非顧與曹  
趙盾往事悲纛臯君  
蔡臣蔡適相遭躒階而走  
走走且號逆跋絕領搏  
以鑿彌明鬪死靈輒逃  
一蔡世變心忉忉丹青  
妙手良可褒題詩齷齪  
非人豪爲君一石傾春醪

九日獨遊憫忠寺

閑居愛重九獨往果幽尋  
初地凭高閣諸天落梵音  
雁王投極浦鹿女蹋空林  
玉輦經行地青松

馳道深

駕曾幸此寺  
有御書

辛齋已行復來取別再送之

意外復攜手徘徊下潞亭  
扁舟逐陽鴈秋色老江  
萍去路潮連樹離心雪滿庭  
入門嘲陸展一笑攬  
星星

送侯大年歸嘉定

送客三江去東吳更向東  
潮添瓜蔓水秋老鯉魚

風往事浮雲外名家信史中明年見侯喜把釣莫  
惓惓

和子先禮部懷古二首

張茂先宅

當年張壯武此地留空宅平生無髣髴何處尋遺  
迹流恨金墉城傷心洛陽陌風流陸浚儀曾容笑  
鬢帛

賈浪仙墓

遙望大房山蒼蒼但煙霧下有千年墳微茫辨封  
樹照夜少魚燈凌寒走狐兔落日青楓林是君獨

吟處

題王元照仿宋元人小畫為牧仲比部作

琅邪家世鳳麟洲翰墨人間第一流松勢高低疑  
鶴啄溪紋參伍學蠶頭扶筇名岳雲峰細放鶴空  
亭雪棧幽白首奉常今又死買絲重擬繡廉州

煙客先生

以今年卒  
年八十九

題王元式國博秋思詩後

詩云茂陵秋雨人空  
卧汾水西風鴈尚來

茂陵風雨瀟瀟夜愛爾哦詩四壁秋多少長安苦  
吟客瘦羊博士擅風流

史局漫興

南山種豆憶長林東觀淹留諧隱心巫峽猿啼兵  
未解武谿鳶跼歲將陰牢愁不畔中山酒慷慨還  
為上堵吟橐筆年年竟何補虛將衰鬢點朝簪

寄馬三如孝廉兼示張杞園待詔

先生負俗癖雅懷山水情沂山看秋瀑往往抱琴  
行吟詩楓榭林自燒折足鐺曼聲塵落帽噉噉哀  
猿鳴山田高於屋牛在屋上耕三如詩句此語非世人欲  
與東野爭詩成寫團扇持以贈平生何時看瀑來

一觴聊共傾

送楊岱楨侍御赴宣鎮

先太師公萬曆崇禎  
時督撫兩鎮其地

彈箏峽口居庸路北望千山萬山暮朔雲飛雪白  
登城西風吹角黃花戍繡衣使者舊乘驄澤潞人  
歌馬步工鎖鑰更勞行塞上山川右顧接雲中百  
年父老今猶在應識當年魏尚功

送粵西學使

龍城烽火乍銷兵化蜀文翁在此行秋盡洞庭逢  
葉下亂餘湘水向人清峰迴落鴈雲山好遊比驂  
鸞瘴癘輕身到日南思北極炎洲桂樹識冬榮

時柳  
州賊

初平

自題得樹堂懷冰修耦長

老樹空庭得堂因老樹名全將苔徑護百過藥欄  
行屋角芟天竹堦前立決明故人江左去同憶月

三更

冰修送耦長詩云此別難忘  
何處最兩株高樹月三更

王若水古木鳴禽圖爲子昭郎中作

古木幽篁亂疎籜下有棘枝聚寒雀枝頭顆顆紅  
珊瑚石畔菲菲芳杜若一雀振羽如欲飛一雀掉  
尾矜毛衣復有兩雀目相矚號作竊丹知是非鷓  
鴒臨流宛相並戢翼迴頭復交頸黃陵廟裏花落  
時啼罷鈎輶照雙影高堂置酒相徘徊眼中不數  
濠梁崔天清雪霽北風作多少蒼鷹欲下來

得翁菴開府書

昔建中丞節天邊送使車連朝薊門雪一紙漢陽  
書雲夢征鴻起沅湘落木疎夜郎莊躋路兵氣近  
何如

送袁士旦之玉田

無終東去路亭鄣古雄邊水出彈箏峽春生種玉  
田馬蹄穿塞雪鳥道入山煙詠史清秋夜應逢謝  
尚賢

題武林閨秀顧氏詩卷後

五字豎城擬受降數峰黛色落錢江連枝有木皆

相並共命為禽本自雙南國才人青鏤管西川節  
度碧油幢總輸寫韻軒中好花影晨寒玉女牕

十月七日雪過念東先生

閑居愛窮巷古木日蕭蕭微霰成清瑟迴風送寂  
寥洛神應比似姑射會相招欲訪高人宅寧辭入  
剡遙

雪夕實菴見過小飲

柴門帶暝色積雪滿空庭上客迴相訪茅堂晚未  
扃紙窓猶浙瀝燈火自青熒明日衝泥過應逢濁  
酒醒

十月初七夜雪中作

慘澹朔風號崢嶸雪氣高驟寒熏鼠穴深夜擁駝  
毛羣盜窺渝久孤軍入蔡勞無人共斟酌鐘漏送  
蒲牢

寄唐濟武太史

魚子溝邊好荷蓑魚子岡外石嵯峨天風吹林溪  
水急夕陽在山紅樹多欲買山莊太羞澀側身故  
國空蹉跎三層樓上陶弘景白日青雲奈爾何

送李郎松客令高淳託訪詩人邢孟貞遺集

縣庭臨石臼風俗至今淳鳧鴈成墟市菰蒲雜吏

人花時閑卧閣漁舍曉班春借問詩人宅柴門滿  
白蘋

懷盛珍示兼寄董蒼水

知君不得意汗漫到雲間海客相逢罷飄搖幾日  
還觀潮黃歇浦聞鶴陸機山東望扶桑近羣龍如  
可攀

懷崔不雕

不雕嘗有丹楓江冷人初去黃  
葉聲多酒不辭之句為世傳誦

籍甚崔黃葉才名二十年身無一枝隱詩已衆人  
傳屋傍撈鰕渚潮荒種蛤田風塵京洛客深愧博  
陵賢

寄王我建

時官桐  
城學博

伯時舊隱山莊好草樹雲嵐盡可憐騎馬出城須  
一到霜縑細細寫龍眠

和念東先生寄子二首

麻鞋萬里事酸辛好鬪樽前見在身來日武陵兵  
甲滿花源猶剩幾秦人  
歸向青山課木奴高堂白首故園蕪春禽百種聲  
皆好不似天南聽鷓鴣

戴無忝至自和州得務旃書

二戴歷陽秀久別恒相憶如彼下瀨魚溯流不相

及時登吳越觀安得齊秦襲見荀子忽見一書來寧  
忘下車揖

輓白仲調廷評

海上行營罷談經到七閩那知遊越客無復卧漳  
濱世事滄桑後清流黨錮身平生履道宅琴鶴待

何人

庚申四月 王師既平金門廈門補行福建鄉試君再奉命  
主考歸至甬上不起君少時忤馬阮掛黨籍幾殆故有五六句

聞張公綬談武康山水

吳興清遠水晶宮轉入前溪路不窮最愛放船人  
日好野梅修竹古防風

題家兄子側唱和詩後兼寄東癡先生二首

當年同和輞川詩羈紲相看有鬢絲安得考功重  
見此手將團扇寫清詞

梓樹花明系水東枳籬屈曲隱牛宮他時我亦來  
相訪好共吟詩罷釣筒

答汪扶晨

清淺新安水遙連四十灘岩堯天子鄣三十六峰  
寒絕壑雲千頃仙人藥一丸與君香谷住何必更

驂鸞

閱黃山新志寄閔賓連兼示程山尊

昨日逢程子經時憶閔生不知明月好空作甌湖

行渺渺雲霞思悠悠山海情圖經巾笈在攜手問  
容成

十一月六日星變 召對紀事

明河寒已沒白氣亘宵長掩月光疑晝經天夜有  
芒轉輸窮蜀道邊計切秦疆見說蓬萊仗公卿近

御牀

是日有裁併秦  
蜀制府之命

送念東先生予告還山八首

鶴書隔歲下巖扉一載歸田願不違蕙帶荷裳猶  
挂壁 君恩真許遂初衣

前身憶是陶通明山中白雲無限情滿院松風一

聲鶴三層樓上坐吹笙

若士雲將是夙期相逢汗漫欲何之偶然擲杖成  
龍去又過蓬萊日主祠

何處神山滄海東巨峰萬仞插晴空青天無數雲

濤捲下視辰韓墨點中

巨峰勞山  
最高處

大勞小勞溟渤間身乘龍躡躡天關何須更跨樓  
船去童女如花竟不還

暮遊碧玉閨風巔朝過扶桑近日邊戲弄東王與  
西母神芝行處滿瓊田

曾窮華蓋與鈎陳又到朱陵蜃海濱不信仙人十



洲地也傳風俗似吳人  
官府神仙事有無淨因何必憶方壺他年選佛場  
中去笑捲真靈位業圖

再送念東先生八首

龍門雪後山爭白金谷園中花映紅著箇香山老

居士任人圖畫作屏風

白詩兼聞好事者寫我作屏風

解印歸來履道居風情真似白尚書孤琴隻鶴還

留在駱馬楊枝却讓渠

錦湖秋色漾漣漪湖裏遊人歌竹枝斜日泊船紅

蓼岸神鴉飛過魯連祠

長白山中跨白驢偏提時掛小籃輿八駟朱雀航

南路可似先生薄笨車

沂鎮西迴歐冶泉萬竿修竹一溪煙興來欲泛滄

浪去恰有南鄰放鴨船

籠水羣山繞郭明杖藜隨處有泉聲名籃金碧和

煙雨小李將軍畫不成

木魚粥鼓雲門寺曾訪禪棲欵竹扉今日宰官何

所似朝衣新換七條衣

花前白角三升酒池上紅茵六尺牀公已忘情吾

解惜長松修竹李家莊

李家莊先生別業有候仙園最幽勝鬻之幾年矣故云云

答冒青若兼寄巢民三首

項寄芥茶錄  
澄泥小硯

君家好林塘最憶湘中閣千仞碧玲瓏一條紅略  
徇獨拏銀鏤舟兼載氍毹鶴千里月明時巖花幾  
開落

茗柯有實理君能領其趣僮豎盡茶人鈴椎半茶  
具竹塢水清淺巖戶雲來去獨應嶰中僧知君拍  
茶處

良工濾河泥妙製出西號温其龍輔玉瑩如馬肝  
石價敵十五城包致凡幾驛石墨漆簡書歲晚成  
三益

曉雪

稍稍侵簾額盈盈墮瓦溝竹枝全捨地芸餅未離  
篝風峭遲開閣窓明緩裹頭如何玉堂曉偏憶剡  
川遊

東坡居士竹石三絕句

上有荆公  
佛印題句

新篁拆褐錦東軒三五莖時因看畫處觸忤別家  
情

東坡胸中墨吐此青天矯常憶道場山把燭寫風  
篠

蒼蒼一片石礫硤閱千載我聞居士言袖中有東

海

題念東先生瓊花觀詩後

詩云錦帆千里赴雷塘小  
杜風流事亦荒何處瓊花

歸劫火蕭蕭  
鴨脚滿長廊

揮手蕃釐十六秋年來無復夢揚州因君鴨脚風  
流句喚起瓊花一段愁

傅青主徵君寫荷竹見寄奉答兼懷戴楓仲  
眼中突見篔簹谷露壓煙啼萬竿竹下有亭亭菡  
萏花大似凌波倦膏沐煙墨淋漓元氣足老筆縱  
橫破邊幅卧遊真對兩詩翁晉祠水流如碧玉

聞貴州大捷寄蔡尚書

今日標銅柱君如馬伏波占星臨井鬼拓地到牂  
牁師律嚴貔虎軍聲肅鸛鵝昆明洗兵甲真擬挽  
天河

送吳蘭次湖州太守

追錄乙  
巳年作

六代吳興守常須第一流君才如柳惲吟向白蘋  
洲官閣臨茗雪人煙雜鷺鷗誰言露冕客仍是五  
湖遊

聖安寺僧舍聯句

高念東先生施愚山宋牧仲王  
阮亭謝方山錢介維素士旦

暮雲如斷山返照林下寺  
王阮亭蕭散乃良覲斷續幽  
人至入門盼寒柯揖讓爭行次  
高念東先生牆剝古時紅

柏刺經冬翠素士肅肅僧寮清穆穆禪宮闕謝方草

創緬金元烝嘗借初地寺內舊有金世宗章宗像元初曾奉太祖以下神主於寺之瑞像殿宋牧仲

金貂會三族絳節來羣帝爰遡大定年下泊至元

世刹那人代變彈指河山異阮茅社閉天陽仍歸

瞿曇氏念法象窮雕鏤鄭重寺有佛像出大內牧仲鷲

嶺舊飛錫龍馭屢迴轡海檀佛常飛至寺中兀學士程鉅夫有記百靈走蒼

茫三車赫鼓吹施愚妙相初無言宛若拈花示維摩

不二門灼然第一義念畫壁商喜留吳裝何詭麗

絕筆追顧陸瓔珞雜珮璫方天女靜窈窕雲旗

儼容裔牧勢伏龍虎馴氣攝魑魅悸方旃檀邈古

蹤金粟爛名繪錢介竹房穿碧煙苔碣捫綠字昨聞

捷奏宣黔陽走吳淠從此罷烽煙花龕得高會牧

殿閣明佛燈齋廚出香鼓方生菜薦春盤巨匕削

羊截介難窮祖帳情時念翁略遣文字戲愚擁鼻發

長吟談天奮高視酒氣徹鬚眉墨痕浣指臂士雅

調紛鳳鸞險語掣鷹鷲笑驅山可移怒號星欲墜

韓杜競倔強皮陸間流易錯雜成宮商一滴大海

備愚既足張楚軍亦已拔趙幟念舒嘯和哀猿振

藻慙上四牧仲共擬寒山詩聊述淨名意阮鼠鬚爭

葳蕤鵠眼交睥睨揮毫詫脫兔敵人不及避介河

嶽曠遙情海岱羅奇思欣感共顛倒主客謝拘忌  
愚 綦舄錯羣賢旗鼓當大帥且 鬪場號禪窟東安  
 妙談議未能離塵垢稍欲藉鉗錘精 藍梅吐苞  
 老樹烏垂翅蒲牢時一鳴牟尼靜如睡且 飛費落  
 呆魚空垣凋薛荔仲 篆煙縈後猊荒臺蹲且 顛方  
 野馬靜諸天蒼隼側雙背且 醉鄉戰已疲重圍或  
 可潰天寒僕御愁促別喧車騎念 迴聽金琅璫星  
 河宿簷際阮

說餅聯句

王阮亭曹峨眉謝方山潘次耕

臘殘邊氣寒霰霽齊朔風冷官閑稀瀑直阮 晷短謝

朝請經過趁馬蹄耕 羅列見杯皿既飽更設食峨  
 造次愧暇整方 厨娘理寒具中坐出環餅色侔琅  
 邪稻種類安定麩阮 方法徵胡麻調和汲冰井拊  
 擋亂紛紜團圓成俄頃方 蘭湯漱玉屑冰穀翦蟬  
 影峨 圓疑鏡卸盤豔若金脫礦一輪巧中規百鍊  
 滅無穎淨煩上池溲勻想纖手打耕 并刀快割截  
 齊紈妙清省霏微玉蚪甲胸朓顧兔景阮 蝦蟆蝕  
 月渴驪龍攫珠猛頌德愛芳香徵名欣合併耕 品  
 寧遜粧妝形已同項領方 薰蒸浮渴釜纖哲悅饒  
 晴峨 既足慰饕餮更可祝噎哽阮 燈窺晃琉璃酒

漬散縻綆峨眉蹲啗狂客誕手潔唐帝做十字笑曾

侈四片嗤鸞省一笥得都尉再啖失洛頰果然適

莽蒼決去惜齏齏阮亭平生厭藜莧腸飢叫鼃鼃峨眉

忽驚食單富坐成腹負肯染指無遷延下箸皆雋

永阮亭雞臠未足珍鵝炙詎堪並裹肉快抽乙蒸魚

嘉出丙乍見天覆盆旋看日銜嶺耕次沃以壑源茶

再鼓氣逾逞僮奴饜香風飢涎滴侯頸峨眉朗月光

漸移嚴寒夜屢警山方炙手熱松明引滿剖楓癭阮亭

杯深一燈青坐久衆星耿耕次酒竭呼勤斟燭跋催

速秉峨眉醉客冠墜箕倦僕頭觸屏霜重壓狐腋析

急吠盧令阮亭世態笑井泥生涯歎桃梗簪盍殊復

難指動矧多幸耕次飽死憐侏儒形忘破畦町阮亭加

餐雪花融覓句林鳥靜峨眉炙轂任縱橫注坂競馳

騁鬪險氣凌韓掞藻詞逼郢山方怪思筆然犀快語

喉吐鯁阮亭心苦饑食牛律嚴弓束檠翦綃成奇文

啗蔗得佳境耕次衆工聚輪輻六齊作鍾鼎阮亭百年

空牢愁一醉歸溟滓此樂當語誰故山寄張邴耕次

即席賦送念東先生還山聯句高念東先生施愚山宋牧仲王阮亭謝方山

莫教嚴漏促行觴阮亭好月遲來縱我狂念翁九老幾

人歸洛社牧仲五言今日賦河梁阮亭還山白首身猶

健愛客清尊夜未央山愚他日登臨重相憶山方平泉

風物輞川莊阮亭

蕭灑由來屬樂天曠懷今復見菑川山方廬山舊隱

應無恙長慶新詩世久傳阮亭纔罷朝參翻獨笑山愚

頻耽野飲縱高眠仲牧勞君三疊殷勤唱我已風塵

四十年念翁

筵上詠鐵脚聯句

周紫海宋牧仲王阮亭謝方山錢介維程山尊素士旦

經年疲塵鞅埋首困束縛休沐乘春閑客過欣同

酌山方春盤風味佳薦此野田雀仲牧羽族誠瑣細高

舉慙肉攫阮亭逐隊從鳩燕潛身避鷓鴣山方曾向大

官廩鼓翅恣饒啄海紫有聲但勞利無心慕寥廓阮亭

稻梁性能諳林園意彌樂旦士穿屋軀體微啁簷毛

羽惡仲牧祥知遠集庭孝感遙投幕引羣賀厦來應

瑞銜珠躩六翮奮何時一枝且深託胡為鍛羽翰

橫取媚脾臆山尊啁啾鴛瓦翻歷亂雲羅著維介彈射

空城尋縷切初筵數仲牧量同十步飲智愧三嗅作

長竿類黏蟬明珠異彈鵲阮亭率場田父愁繞砌兒

童捉維介佛首野夫獻斲脛庖丁斫阮亭稍聞鼎俎香

太息虞羅虛旦士品雖遜熊魚味終壓藜藿山方匕箸

任縱橫口吻鑿精鑿充腸失肥甘膩手信披剥微

如出醢雞飛似捨榆鶯旦士鮮肥有本來香脆妙煎

燂腸胃少腥羶骨骼耐咀嚼夥聚無一嚮連啗豈

滿壑維介瞪目冀豐餘朶頤恣酬酢山尊染指類龜羹

鬪箸並雞臠仲牧狂寧乞鵝炙渴欲思羊酪妙手蒔

薑橙真意謝糟粕噬聞宮徵調老畏牙齒落阮亭髯

掀競橫肱纓絕肆浪謔海紫披綿映短燭截肪侑康

爵報恩懷玉環錫名徵鐵脚仲牧詎能咸其腓誰解

鑄此錯阮亭人生耽口腹是物勞燠灼仲牧適口念生

成感心增索莫山尊小鳥生有營老饕意無怍旦士羣

飛失翾翾嚮取爭霍霍仲牧殺機滿天地矰繳到山

澤阮亭慨彼弱羽加何異遊魚涸山尊靜觀大化理坐

歎生機薄旦士侶燕危處堂伴鼠憎無角維介探鷄餓

憫趙銜穀貴占郭仲牧蚌蛤化已遲螳螂伺猶昨勿

笑掩目捕寧思撫髀躍阮亭我欲返其淳解網出湯

鑊塵清威鳳游政懌仁麟格皇然象帝先鳥獸俱

咸若紫海

帶經堂集卷三十五



帶經堂集卷三十六

二

帶經堂集卷三十六 歙門人程哲校編

新城王士禎貽上

漁洋續詩十四 辛酉稿

初拜國子祭酒釋菜 太學作

雍雍禮樂地肅肅堂廡深  
 皚皚素雪零鬱鬱青松  
 陰堂上鐘簴懸壁中絲竹音  
 末學愧承師撫躬實  
 難任文學盛鄒魯流風感  
 至今早入矍相圃夙侍  
 緇帷林未能習禮器遂以玷  
 華簪 聖朝敷文德  
 憬彼胥獻琛岩堯白虎觀  
 諸儒粲璆琳議郎悉承  
 制更老多橫襟低徊宮牆下  
 如聽師襄琴

行玉河上懷故鄉有作

河邊弱柳漸生稊沙上蒲芽綠未齊蓮子湖頭風物早誰搖艇子罟春泥

訥菴翰長招同荆峴侍講羨門編修過善果

寺

偶然偕素侶佛日到香林亭午無人處青苔滿院陰三衣消瘦服半偈妙明心愛就魚山宿蕭條寫梵音

何處故鄉思二首

有序

北齊房君豹有山池在齊州自製詩云風

淪歷城水月倚華山樹時人以比康樂子

在京師有故鄉之思因取其語為詩云爾

何處故鄉思風淪歷城水處處清瑤流時時白鷗起日暮浣紗人臨流獨徙倚

何處故鄉思月倚華山樹清輝河漢外散入平湖去不見謫仙人空山下風露

給事幼華弟屢寄新詩題卷後

令弟讀書處龍門天下奇人煙馮翊部喬木子長祠雲物高連嶽波瀾卷入詩遙知相見日吟苦鬢成絲

和高念東馮易齋兩先生松雲菴唱和詩有序

康熙庚申冬司寇念東先生致政將歸菑

川居松雲僧舍相國易齋先生過之解帶

流連禪喜竟日高先生賦絕句云戶倚雙

藤禪宇開無人知是相公來相看一笑忘

朝市風味依然兩秀才馮先生荅之云隱

几僧寮戶不開天親無著憶從來而今相

對渾忘却祇識維摩是辯才子因繼和云

異日或成松雲故事爾

二老前身二大士重逢半日畫爐灰他年古寺經

行處記取寒山拾得來

繪川書院詩二首為侍講湯先生賦

大道滙鄒魯洙泗何洋洋邈矣二千載伊洛為巨

防江漢有遺民卓為姚許倡至今百泉上源流深

且長曖曖夏峰村鬱鬱通德鄉湯公起梁宋攝衣

早升堂側聞睢渙間五色多文章黼黻與華蟲宗

廟繪衣裳汝南多先賢鄒魯實頡頏中原昔戎馬

講肆為鞠場起衰賴通人屹茲數仞牆樂職備中

和諸生歌鹿鳴六籍列經緯諸史成宮商不才忝

成均臯比坐徬徨倚席久不講士氣何由昌愧彼

巫醫師糜粟空一囊

先生昔挂冠棲遲樂巖谷睽彼二三子望古企高

躅逶迤清川上構此數椽屋三年侍承明夢想在

林麓大道不終晦天中盛者宿輟轅有耿介

耿公字逸菴前

翰上蔡有張沐

張公字仲誠以薦知資縣

著書各滿家衆流滙川瀆

耿公實廉吏齋廚甘杞菊張公赴徵車萬里向巴

蜀冥冥子規啼蠶叢凍雲木何日成德鄰絃誦譬

家塾予亦步屨來歲晚共餽粥

送汪快士歸黃山

汪生志名山懷抱何瀟灑家住紫雲谿軒轅幾峰

下吾愛邯鄲淳古學窮蒼雅歸去新安江棟花照

初夏

後湖即目

片雨止還作雲陰覆水關眠鳥翹鷺處瓜架豆棚

間魚鳥久相待滄洲殊未還新秋玉泉水準擬弄

潺湲

早入瀛臺作

鐘殘入西苑稍稍霞侵曙水風泛叢蒲山月隱高

樹藻密聞魚跳沙明見鳥聚詎識華林園適叶滄

洲趣

移竹

一別故園竹驚心忽七年每逢南陸日長憶北牕  
眠河漢度新雨瀟湘生夕煙明年斲春筍吾意已  
逃禪

輓戴姑瞻少京兆同兄子側

昔日官鄒魯風清洙泗間棲遲佐京兆蕭散卧名  
山天目安禪去雲門記薊還繩牀經論在寂寞掩  
松關

寄金穀似讀書玉泉

我愛玉泉流澹沲清見底持比新安江石瀨宛相

似昔遊隔十載夢落風煙裏聞君讀書處泉水在  
牕几戶外垂漁竿衣上襲芳芷疎簾卧清簟坐盡  
雲峰美曉吟山狖驚夜詠沙禽起三復泉上詩脩  
然洗吾耳

城西一首

都城負太行勃碣地形古城西富流水磬折頗參  
伍裂帛憺渟著淵淵乃句矩北上青龍橋雲峰粲  
可數皎如奩中鏡曉牕照眉嫵南過金口寺徧地  
鵝王乳錦石映文魚白蘋間紅菘吾家魯連陂蓑  
笠渺煙浦小別二十年稻塍幾風雨安得半尺筮

三  
行歌鞭水牯

題徐電發簡討畫蟹

仄行與外骨并入考工記何如紈扇上善寫招潮  
勢草泥擁郭索兩鉗亦何利便欲左手持未勞門  
下議

湘水行送良輔宰零陵

陽朔二水湘與離源同派別分條支湘水東來入  
南楚曲抱衡山經九疑九疑之山蒼梧野斑斑淚  
竹英皇祠零陵郡古枕湘水瀟江曲折來赴之自  
古騷人憔悴地九歌哀怨留其詞亦有元和舊司

馬八愚感激傳歌詩其文往往擬山海坐使荒徼  
增傀奇子今年少去爲吏況有詩筆人所知黃溪  
山水勝鄴杜何必慨歎窮荒爲此去浯溪止百里  
磨崖洗剔中興碑元公作頌魯公筆長與日月相  
昭垂經術緣飾固良可勿隨流俗矜繭絲衣租食  
稅盡赤子誰云南人鬼且機捕蛇有說更三復軍  
輸尚急西南陞

題王安節小畫同子側

叢祠倚蒼崖古木捎天碧社後雞犬靜村落無人  
跡蕭蕭靈旗風鳥噪山煙夕

送不雕歸太倉

夢裏吳江渡還尋白板船來露潑火雨歸及熟梅  
天遠道三千里詩名二十年憐君憔悴絕故物只  
青氈

題洪谷一督學廬墓冊

由來諳至性不讓庾黔婁上孤兒淚硯中萬木  
秋淒涼白雲宿嗚咽碧溪流南郡生徒在應同罷  
社愁

竹間螢火同子側

手植一叢竹戛然當戶青涼宵過疎雨接葉濕流

螢漸轉纖阿御時看玉井星兩月多雨清光紛愛汝花影

亂茅亭

得碩揆道人書

乙巳別於揚州山光寺十七年矣

一別山光寺人間歲月長小池功德水文室辟支  
香未得巾鉸去空嗟鬢髮蒼遠書勞見憶好在眼  
中黃

輓伊翁菴中丞四首

隔歲看持節俄驚委逝川烽高麗江水魂黯點蒼  
煙力疾圍城日捐生破賊年空留新賜冢突兀象  
祁連

家世南充郡

唐伊慎封南充郡王

功名僕射看行營諸道合報

國寸心丹未取黃金印先逢白玉棺招魂何處是

瘴霧夕漫漫

桓典青驄馬終煩萬里行竟歌虞殯去不見蔡人

平月暗封狐嘯星寒櫪馬驚流蘇東下日目斷武

昌城

樂府庾公上武昌翩翩若飛烏庾公還揚州白馬牽流蘇

馬革平生志昆明未息戈星辰移九列書檄動諸

羅歿視悲荀偃生還失伏波故人歌薤露流涕向

山河

羅塞翁猿圖

栗葉初黃山水渾引臂叫嘯來羣猿綠條附蔓下

絕壁連尻結股爭攀援老猿下視獨招手羣猿跳

擲騰且奔可憐猿子亦大黠襁負母背如乘軒黑

者玄衣白玉雪下飲百丈臨瀟淪齧齧嗑咋生趣

備丹青漫漶神明存品題云是塞翁筆江東詩法

傳清門我疑或是易元吉景靈畫壁昔所尊余鏗

韓性競短詠天姥五字雙眉掀

元人余韓二詩皆工韓句云愁雲夢天姥

吟

詩翫畫輒移晷坐屏寒具忘朝飧忽憶元和柳司

馬投荒始解憎王孫

立秋日雨中用樂天韻



三十九  
夢驚清商至蕭晨攬衣起寒雨何處來瀟瀟竹牕  
裏庭樹綠未零砌萼紅將委四序若魚鱗誰能究  
終始

贈許生

精篆  
籀

我來太學已八月長日坐卧石鼓旁松風灑然送  
蟬語一庭碧草生新涼嗟哉趨趨不可辨如箱在  
口誰能詳安得邀君坐東序共窮史籀賡宣王

白鷗追和歐陽公錦雞十四韻

有序

閬州梓潼縣人多射白鷗以食予昔入蜀  
梓潼令王君爲言如此予感焉適讀居士

集有錦雞詩一篇遂和作云

梓潼界巴閬山谷多奇怪密箐上參天珍禽此都  
會中有白鷗鳥閑靜復耿介皓麗欺玉雪纖皙宛  
圖繪棲止篁竹陰沐浴清泠瀨逍遙謝尉羅自謂  
脫天械弋者彼誰子矰繳忍狼狽苦無斷尾智竟  
供几肉快南越昔入貢品共鮫魚最奈何此邦人  
狼籍充一噉鄠杜多名園池館互鈎帶購爾幾餅  
金愛惜勝珠貝貴賤復何常物理固茫昧偶續錦  
雞篇追述發深嘅

送孫樹百給事使福建

君家有吳兒白晳顏如玉絕勝薛陽陶能鼓昭文  
曲三歲過君家頗諳絃指熟况忽降湘靈嬋媛倚  
秋竹今君九曲遊棹歌幔亭麓定過桐君山夜向  
嚴陵宿寫作山水音峰青水增綠并寄滄浪吟洗  
腸當千斛

送秦對巖簡討使江西

西風秋水疊魚鱗獵獵紅旗曉望新湓口九江初  
異派船頭五老已迎人荆襄往日參軍事章貢年  
來息戰塵楚尾重過應一笑管絃今滿後堂賓

秦昔

從軍  
湖北

送湯荆峴侍講于赤山禮部使浙江

我愛西子湖夙昔夢見之湖光與山綠樂事輸吳  
兒譬客談江瑤未免思朶頤聞君往東南起舞掀  
兩眉綠蒲十幅帆西風美滿吹初下南徐州三山  
已麗崎行行過震澤萬頃青玻璃夜航到臨安高  
枕殊未知新筍晚花過橘綠橙黃時湖水雄鴨頭  
綠淨相差差掩映湖上山影娥照清池錢唐八月  
潮詭異天下奇疾雷震百里蛟龍競躩踞潮頭坐  
靈胥重水汨後隨三千穀強弩射潮勝雄師至今  
擊西陵鐵幢高以危醜酒臨樟亭江海為東馳壯

觀今古無寄之於聲詩歌送潞河船郵籤催畫旗  
送施愚山侍講使河南

暫輟蘭臺筆飛旌入大梁鄴中秋草綠淇上槐花  
黃授簡多枚叔流風感孝王題名嵩少在蒼翠正

相望 先生辛亥秋  
曾遊嵩山

七月二十一日瀛臺 賜宴恭紀六首

朝來 敕賜宴淋池桂楫蘭舟待水嬉渡盡雲沙

迴首望綠楊風外颭黃旗

越羅吳錦尚方來黃紙書名繡作堆次第鸚行齊

拜賜涼蟬聲裏謝 恩迴

御舟往往艤沙汀瓊島中流日幾經不是華林樂

魚鳥 慈顏近在五龍亭

中旨頻傳內大臣龍眠學士 命重申捧觴跪起

華裯上蘋末風來散酒鱗 唐詩玉船風  
動酒鱗紅

崇蘭風汎共徘徊九畹揚揚取次開鄭重天香攜

滿袖移從弘德殿中來

太液池中百子蓮花開十丈耦如船酒闌 宣賜

歸鞍重錯認滄洲太乙仙

吳江顧樵水寫予平山舊詩摘星樓閣浮雲

裏一傍危欄望楚江之句為圖相寄雨中

偶成一詩奉答兼寄茂倫定九

哦詩三十年往往在人口旗亭與樂府流傳亦時  
有江淮好去事多圖畫煩好手詎敢擬右丞家風

映先後

桑多楚執畫子濛濛夕照開棠邑葉葉風帆下建康宗之瑜不  
揜畫子綠楊城郭是揚州半江紅樹賣鱸魚之句作圖故云云

廿載走京塵頗已忘敝帚君復為此圖毋乃太駢  
拇平山高矗矗楚江清瀏瀏鴈齒紅欄橋鵝黃水  
楊柳風景故依然問是淮南否俛仰慨今昔少壯  
成皓首他時鱸鄉亭相過索杯酒息壤猶在彼寄  
語雪灘叟

送元式歸崑山

嚴城吹颯策天地動高秋京國暄涼異妻孥去住  
愁相憐千里別相送百端憂心逐東江水蒼茫到  
海流

送毛斧季歸常熟

昆湖有真隱金粟緬高風桑海遺民老襄陽耆舊  
空入言虞仲里又得小毛公廿載淮南別吳江幾  
落楓

懷浙東故人

葉下錢唐水懷君千里流深山孔郎廟積雪剡溪  
舟東覽何時遂天台定獨遊薊門暮風雨又作一

年秋

雨中懷兄子側往津門

昨日單車發西風青綺門連宵孤燭冷寒雨白沙  
村遠道添衣褐天涯戀弟昆一聞鴻鴈響忽憶鵲  
鴿原

中秋後得富順范生嘉州帥生書知其陷賊  
不辱偽命遂有是作

幾載豺狼橫去巴蜀今朝書尺慰相思天彭井絡  
欣無恙伏劍佯狂更不疑會見費貽徵合浦何妨  
甄濟動京師汝曹識字知忠孝一笑南樓倒接羅

送李生茂斯重赴宣鎮幕

亡姪浣亡兒渾昔皆執經於生

淒涼十年事送汝淚滂沱古塞逢人少空山聽鴈  
多居庸雲外度土木雪中過峴首羊公石千秋定  
不磨

生搨先太師祠堂碑見貽乃有末句

蘇羅國王墓

在德州王以明永樂十五年來朝賜印誥歸次德州卒葬以王禮謚恭定

當年重譯入長安屬國威儀盡漢官萬里滄波歸  
路遠九河春雨墓門寒空聞螭首生金粟無復魚  
膏照玉棺欲薦溪毛重迴首亂鴉殘日夕漫漫

寄李鄴園尚書二首

聞天烽火達錢唐太乙靈旗指越疆文武共推周

三十四八  
吉甫勲名誰並郭汾陽  
推牛五夜千夫膳射虎三  
秋百戰場今日羅平妖  
鳥盡早聞憂國鬢如霜  
爛柯山上陣雲低太末  
城頭月暈齊飛檄直臨  
彭島外纖塵不動浙江  
西戰袍血濺盤鷓鴣雄  
劍霜寒淬礪鷄半壁東  
南功不細天書頻下武  
都泥

送伊允陟令望江

君去行春日先過麴令祠  
人傳白公詠何似峴山  
碑十里見江水五洲多  
桂枝因登大雷岸星飯  
寄相思

答吳虞升

新詩一卷寄雲巖欲往從君擬挂帆  
不爲鱸魚動秋興也因苦筍脫春衫

聞我建自武林歸皖却寄

錢唐東望海門開強弩臨江水倒迴  
至竟雄風輸武帝舳艫千里射蛟來

寄題東蒙友人別業

愛爾東蒙主雲林結構牢幾家散花  
竹三徑掩蓬蒿近水通沂泗名山得  
具敖他時詠招隱杖策不知勞

寄江辰六益陽

送君南浦別愁新幾載巴丘息戰塵青草湖頭閑  
倚櫂黃陵亭下曉班春也知江水連湘水苦道湘  
人少故人篋裏尚留三賦在蓬萊清淺是迷津唐詩

湘人非  
故人

題友人樵唱軒

昔賢傳好句樵唱入南軒盡日聞天籟何人共寤  
言林風吹斷續溪水應潺湲向夕懷涓子攜琴恰  
到門

寄盤山拙菴道人

聞師敷坐處地近古中盤煨芋爐灰冷懸燈雪屋

寒六塵浮幻盡五字苦吟安柳櫪橫肩去空山問  
懶殘

寄李映碧先生

野史亭何在昭陽有敝廬九重思故老三館待  
藏書蜀洛清流盡宗雷白社餘松風連句曲他日  
訪樓居

寄宣城梅叟木山三首

愚山瞿山兩詩伯風流姓字滿人間那知白首藏  
名客又向雙羊得木山  
帶索行歌八十年故人袞袞盡朝天桃花村塢叢

祠下笑看鄰翁掠社錢

詩句曾傳五字工酒懷猶遣百分空過江名士今

餘幾合著襄陽耆舊中

送西崖遊粵西三首

此去巴陵戎蒼茫戰後雲試將破陣樂一酌洞庭

君康熙十九年水師破賊遣官祭洞庭之神

陽朔山皆好峰峰似畫圖青天開萬笏奇絕越中

無

白鶴峰頭月聞歌子夜斜臨安陌上曲不似朗陵

花

哭兄東亭先生四首

節序重陽近倉皇老淚流弟兄九原別鴻雁一聲

秋骨肉多黃土艱虞早白頭寒燈孤館夕零落即

山丘

忽忽死生異茫茫幽憤盈頻年罷重九何處作清

明荆樹花皆悴池塘草不生可憐今夜雨猶是對

牀聲亡室張宜人以丙辰九月歿予有詩云三載西風雁影分登高淚盡隴頭雲而今腸斷重陽節又採寒花酌細君時方哀西樵先生也

早入金閨籍依然石戶棲苑枯天莫問貧病理能

齊孺仲寧慙子黔婁詎有妻唯餘小兒女慘絕萬

行啼先嫂張孺人前歿



在原十載痛兩度死相捐白髮誰能待玄文世未  
傳孝章空有恨希逸竟無年淚盡馮橋路新墳望

舊阡

先考功兄葬馮橋  
兄擬卜兆相近

初冬過黑龍潭感懷龔端毅公

同游荔裳顧菴伯  
紫先兄西樵皆逝

黃墟十載過一半舊遊空寂寂古潭水蕭蕭落葉  
風河山今日異文酒昔時同不見洛生詠依依思  
謝公

慟哭

十月二十日送子  
側觀車南歸作

慟哭青門外天寒急雪霏豈知成訣絕猶似送將  
歸慘澹雲皆駐蒼茫鳥不飛故園何日到徒御亦

沾衣

鄧尉聖恩寺咸道人自吳中過訪

二十年中事逢師一刹那花開袁墓雪春遠太湖  
波忽忽前塵去茫茫小劫過詎知人海裏猶識病  
維摩

遂安毛貞女詩

同年祥符令  
會侯之女

新安水清泚水清石見底黃河水瀾瀾一石五斗  
泥水清復水濁女心空自知三日為君婦未識君  
容儀一月侍君疾不聞君履綦秋風響庭樹夜夜  
哀羈雌高樓切浮雲直下忽若遺昭昭白日光奄

與黃泉期手斲女貞木絃以寡女絲彈作處女吟  
千載有餘悲

十一月十八日紀事

招搖方指子七日後長至五星如連珠貞符協天  
瑞詆蕩天門開日射觚稜次公卿儼行列百寮咸  
備位雲中露布下琅琅動天地十月日在未二十軍  
府秉諮議雷動傳滇城十萬連步騎貝子坐武帳  
諸道師總萃將軍拜祓社偏禪怒裂背搜穴翦狐  
鼠然犀照魑魅天上舞鈎梯地中鳴鼓吹不遑濡  
馬褐況敢執象燧膽落鐘詎聞約長髮競繫半年

築長圍屏息門晝閉樵採路久絕啖食到殘髀

技悔已窮蟻援復何冀孺子一匕殊 賊首吳世 偽相五

刑備 偽官方某等 自然天助順豈曰吾得歲昆明水

清泠金馬山顛屭妖氛一朝洗磨崖勒文字釐圭

命召虎乘軒寵邴意六詔歌且舞給復置官吏皇

哉 聖人德涵育及動植手提三尺劍削平諸僭

偽何以矧曰仁何以淬曰義所以八年中次第芟

醜類師行不驛騷民居不樵悴自茲萬斯年橐弓

兵不試敢告載筆臣著之大事記

和徐健菴宮贊喜吳漢槎入關之作

三  
五  
年  
丁零絕塞鬚毛斑雪窖招魂再入關萬古窮荒生  
馬角幾人樂府唱刀鐮天邊魑魅愁遷客江上尊  
鱸話故山太息梅村今宿草不留老眼待君還

吳梅

村先生昔有送漢槎  
出塞長句見集中

臘月六日雪即事

薄霧曉霏霏春城雪乍飛九旂清道入千騎上皇  
陵歸玉馬徵何早金雞望不違彩雲天萬里幾日  
罷重圍

大雪過牧仲郎中

至後第三雪依然六出斜度牕明曙色穿樹競春

華清唳鶴將子暗香梅著花素心零落盡動即到  
君家

雪中牧仲置酒邀食熊白

故人寒置酒熊白亦初膈已下何公箸寧思漢殿  
時蟄藏元自密攻穴苦相危當食勞三歎風花滿  
意吹

吳孟舉寄宋槧徂徠先生集羅小華墨

白藤落落徂徠字玄璧庚庚古柏香小啜龍團聞  
雪滴半牕殘日亂松篁

贈朱叟品方

白雲嶺上復何求  
飛丹鍊就如  
霜雪不著人間金絡頭

帶經堂集卷三十六

帶經堂集卷三十七

歙門人程哲校編

新城王士禎貽上

漁洋續詩十五

壬戌稿

送葉井叔歸楚

落燈風急寒吹衣  
寒谿先生昨憶歸  
青門祖帳太蕭瑟  
白社故人今是非  
漢上題襟情不極  
郢中懷古和真稀  
碧雲無際楚天濶  
日送瀟湘春雁飛

井叔近示

郢中懷古詩

二十首甚工

送汪舟次太史林石來舍人奉使琉球六首

屬國滄波外微茫  
萬里流雙持龍虎  
節遙拂鳳麟

洲守禮諳殊俗乘槎愜壯遊使星霄漢上先入大  
琉球

挂席指歸墟通言隸象胥避風占海鳥跋浪舞神  
魚卉服看天使金函護 墾書雄才能作賦休讓

木玄虛

積氣浩茫茫乘流出大荒嘯歌聞海若擊汰薄扶  
桑日月相吞吐蛟龍或遯藏始知九州大騶衍未

荒唐

太史承明彥名高著作庭石渠窮部錄山海問圖  
經筆掣鯨魚動文驅蝸象靈夜闌看北斗身已到

南溟

舍人木蘭秀五字逼風騷奏對明光殿承恩白澤  
袍文章傳海外笳吹動江臯上壽慈顏喜春風擁  
節旄

見說彭湖嶼元戎佇捷勳習流多戰士橫海拜將  
軍出險雲濤壯飛書露布聞早成風土記歸報  
聖明君

上陵歌五首

兩京相望海雲開馳道如弦候騎催金馬碧雞新  
奏捷太平 天子上陵來

令支迴合萬重山  
閃日旌旗虎豹閑  
東望風雲過沛上  
西來車騎出蕭關

遼水東迴北鎮斜  
龍盤虎踞帝王家  
依依最是關

門柳十二年前拂翠華

辛亥大駕謁陵於盛京今十二年矣

縮酒包茅貢不遲  
耐金應制上陵儀  
聖朝大禮

垂千祀不比汾陰太乙祠

艱難王業本岐豐  
扶杖來觀父老同  
詔賜大酺

還給復一時歌舞徧遼東

### 峴山石幢

我昔遊成都劫後得一奇  
城南丞相祠尚有裴柳

碑裴度撰柳公綽書浮江陟峴首再拜羊侯祠  
祠中古招閣

銳上如卓錫題名多宋賢  
文采令人思高唱始原

叔直龍圖閣知襄州王洙重建羊侯祠詩吳育范仲淹劉敞繼之週遭妙刻畫

趙德麟李廌名亦垂慶曆  
泊元符國是如奕棋風景

尚依然陵谷凡幾移  
名字照漢江萬古清漣漪

懷鄒湛語言詠生遙悲

### 錢宮聲編修示司馬相如小玉印

西京留妙製刻玉作文章  
尚憶文園令遭逢漢武

皇何人知慕藺應識倦遊梁  
好伴凌雲賦休同典

鷓鴣虞伯生題衛青玉印詩云將軍騎從公主時豈意刻玉為文章

三十四  
送陳興公歸武康

清絕茗南路歸帆望已遐  
寒林孟郊并古屋沈戎  
家天目羣峰合前溪一水斜  
煙霞成獨徃不羨曲  
江花

贈蔣京少

靈潭名玉女窈窕富仙蹤  
蔣子讀書處雲嵐深幾  
重曾過洞庭野長嘯祝融峰  
他日期相訪潭煙吟

夜龍

張祐玉女潭詩何當  
煙月下一聽夜龍吟

鍾山司業見過述房山幽居之適尋以山僧  
所送芍藥分餉賦謝一首

禪棲愛說房山好院院開門面翠微  
風起梵音時  
過澗天晴雲氣自沾衣  
殿春紅藥戎戎發遶檻黃  
蜂細細飛百里遠將清興極幽岩晨露未全晞

答沈客子示洞庭新詩

吳越具區藪中浮兩洞庭逸情逐花水  
長嘯獨揚  
舲靈笈傳神禹丹砂訪蔡經抽帆吾計得同看  
莫  
釐青

戴氏鼎

為楓仲作同山長  
教授愚山侍讀

昔在京師賦方鼎年少筆力回千鈞  
焦山鼎圖歲  
在己江海起立魚龍奔邇來衰謝二十載  
雖有意

氣無由振戴氏此鼎何處得勢如怪獸寧以蹲平  
 頭負戴到蓬戶四座動色誰敢捫雲雷盤旋間饗  
 餐斑斑古色疑周秦凹中尾鬣狀天馬綠尻鼯鼠  
 拱且馴或云子午紀年月或如癸甲兼庚申或云  
 乾上艮在下天山為遯理則均著馬履鼠古所訓  
 義云陰屈而陽伸制器尚象有深戒寡聞甚見徒  
 紛紜大巧坐令倕齧指流俗豈辨飼與饋丹楓閣  
 中盡奇古此鼎屹立何雄尊市丘鼎齧任嘲笑烹  
 雞何似羞明神不煩更問柳下季歷千萬世存吾

真

順治己亥在京師為少傅劉公賦方鼎康熙乙  
 己與西樵先生在焦山賦古鼎程邃穆倩為圖

多父敦 亦戴氏物

昨日賦罷天馬鼎今日復示古敦音對牟山川連日  
 發光怪黃白下覆雲油油此敦形製奇且古兩耳  
 三足窮雕鏤上作饗饗下蚩尤細辨非簋非彝舟  
 古人一物殫工巧用盛黍稷神所羞珠槃玉敦載  
 盟府云以軟血親諸侯流傳千載歷塵劫却伴高  
 士山之幽昭餘自昔稱晉藪侯甲水作青瑤流丹  
 楓孤閣踞其上朝霞暮靄臨牕浮先生靜坐觀眾  
 妙圖書萬卷皆親讐此鼎此敦置左右蒼然古色  
 來商周庭列九賓發緹幕令我一見生歎啾長安



三十八  
市兒寶康瓠金敦玉敦知何求什襲歸去閉高閣  
會有光氣騰龍虬

為幼華題五子論文圖

馳情渭北樹注目江東雲不是顏光祿誰當詠五  
君

湖山佳境亭

濟南 追錄順  
治甲午年作

結構倚清潯空亭古木林蟬鳴風柳外花滿石梁  
陰支榻侵荷葉開牕落水禽青谿三十曲曲曲助  
高吟

錦秋湖二絕句

追錄順治戊子  
年十五歲作

鵝鴨城邊水映空漁舟來往暮煙中唱歌未斷神  
鴉起荇葉菱花四面風  
會城隱約接青丘沙鳥浮沈水急流一望寒蘆秋  
色裏諸侯曾此會平州

答牧仲香山來青軒懷愚山阮亭之作

帛湖春水滿遠近桃花林浦激花間闊雲峰水外  
深羨君攜斗酒獨往彈鳴琴幾夜山中月相思勞  
永吟

雨後至天寧寺

凌晨出西郭招提過新雨日出不逢人滿院風鈴

語

幼華給事招同愚山健菴大可舟次季角集

祝氏別墅

黃門休沐暇池館愜招尋人語碧苔徑鶴鳴修竹  
林微風交落絮流水澹春陰坐愛鯨魚樂悠然濠  
上心

題高澹人侍講扈從東巡日記

翠華聞喜出蕭關扈蹕名高法從班萬騎羽林隨  
豹尾何人玉斧侍龍顏風雲自護長陵邑王氣  
遙連木葉山共道干城賜牛酒羨君載筆屬車還

雨中較湟榛遺集簡梁藥亭

藥亭將  
遊吳郡

風雨晝瀟瀟清吟伴寂寥已成湘水別何日楚詞  
招愁聽鄰人笛虛聞引葬簫那堪五噫客又去伯  
通橋

六月二十一日始聞蟬聲

平生愛清嘯幽憂聊自宣或如高柳蟬或如古木  
鳶所居不數弓森木羅前軒常年五六月綠陰幽  
且繁涼風灑然至流音交樹間楚竹若霜雪斷續  
娛高眠今年太寂寂應節時已愆詎學仲長瘖髻  
髯磨兜捷朝來一雨過衆綠紛綿芊忽如逢佳人

令德唱高言語默諒有以學易當窮年

題徐立齋都憲寫真二首

齋閣攤書晝漏遲蕭然海鶴見風姿尋常茗椀爐  
香裏也似雙藤倚戶時

十載蓬山聽索鈴玉堂深鎖第三廳如今封事無  
多暇猶自巾箱較五經

吾州

休夏吾州好明湖爽客襟亭橫帝子渚北渚亭溪繞使  
君林酒愛碧筩飲詩成白苧吟凭欄指千里雲外  
數峰深

題曹賓及舍人松石卷

曾看雲海盪心胸萬樹龍吟下碧空勘破趙州消  
息在却來五月賣松風

送徐電發簡討假歸吳江兼寄長孺茂倫三

首

婉孌南州彥三年直玉堂西風吹片席忽到鱸魚  
鄉水竹居無恙漁樵興甚長相逢朱與顧隨意泛  
滄浪

妙得磬頭法華原是汝師淵明琴外意摩詰畫中  
詩丘壑自堪憶丹青能爾為羅浮觀海日應與葛

仙期

將遊  
粵東

昔誦黃花句風流映粉闈新傳春雪詠蠻徼繡弓

衣江水楓初落漁竿鱖正肥應知憐二陸入洛竟

忘歸

有傳電發菊莊詞至朝鮮者其  
會寧記官仇元吉題絕句云云

錢選折枝牡丹二首

三尺霜縑寫鼠姑檀心倒暈貌來殊如今疑夢還

非夢曾向南泉見一株

卷中多  
衲子詩

驛騎筠籠進折枝洛陽金粉入宮時永嘉水際知

多少謝客曾無五字詩

戲示老圃

語君種松柏君嫌少顏色莫種薔薇花歲寒足荆  
棘

摩崖碑

有客新自湘江歸登堂示我浯溪碑芒寒色正三

百字忠義之氣何淋漓白日行天破幽曠走避罔

兩潛神夔憶昔天寶初喪亂漁陽突騎如飈馳二

十四郡少義士平原太守獨誓師平生不識顏真

卿乃能一木支傾危清河年少氣慷慨十歲作質

平盧兒中興大業起靈武功成不死神扶持道州

刺史昔漫叟振筆大放瓊琚詞請公磨崖書絕壁

三十三  
鐫鏡千仞青雲梯蠻煙瘴雨不剝蝕萬古照曜天  
南陲昨者劇賊亂滇海盜據衡永為根基太平祭  
告徧羣望山川一洗無磷緇宜有雄詞繼前代磨  
崖重刻浯溪湄

送孝齋知師宗州二首

綜舊益  
都令

萬里之官去盤江水不波過家仙掌峻到郡彩雲  
多百濮風煙闊諸蠻瘴癘和至今齊父老猶憶舊  
絃歌

詎擅銅鹽利謀希白首成鳧毛應早識螭腦故相  
驚沅水逢歸馬昆池偃鬪鯨南征知有述誰似郭

緣生

滇南凱旋歌六首

鈞天樂動五城樓玉輅前行十二旂親見萬方頻

送喜

翠華三度幸盧溝

湖南福建雲南大軍振  
旅皆駐蹕盧溝郊勞

將軍收取舊山河飲馬蘭滄萬里波珍味天廚人  
不識禁中特遣一封駝

升中大禮視園丘黃幄天清宿霧收朝罷將軍先  
受賞尚方催進紫貂裘

都人夾道看旌旄萬里歸來血洗刀韞上奇鷹皆  
帶角仗前天馬盡拳毛

原廟衣冠二十春太平今見上陵辰象犀瑇瑁新

供祭巧使安南備九賓上將謁 孝陵適安 南國請封表至京

清時王會徧諸方絕調昇平嗣柏梁從此漢家新

樂府白狼添詠又三章今年上元賜朝臣宴於 乾清宮效 柏梁體賦昇平嘉宴詩 御書頒賜

秋日幼華季角再招同說巖翰長健菴宮贊

集祝園懷舟次奉使琉球

重過碧溪上秋色尚粼粼釣石思何楷林池想庾

詵霜清聞唳鶴水落減遊鱗忽憶滄溟客乘槎獨

問津

送相國馮公致政歸益都二首

兩朝開濟倚元臣四海昇平始乞身共識王商真

漢相誰知潞國本天人承恩西苑流觴數特賜遊 瀛臺浮

觴曲水見 公自記供張竹亮 反東門御墨新御賜五言 詩一篇一曲冶湖

天付與鴨頭無恙碧粼粼

都人歎息袞衣歸鶴骨渾忘玉帶圍曉日池頭雙

鳳去寶坻杜公 同時致政清秋渚畔幾鴻飛杜房相業行堪並

瀕仰宗風見亦稀公精 禪理唯有深恩酬未得夢魂長繞

舊黃扉

定武蘭亭跋尾二首

繭紙風流世不傳昭陵玉匣死難捐乞兒一物雖

癡絕猶勝分香望墓田  
片玉明駝出禁門  
人間蟬翼重璵璠  
一般雲散宣和劫  
不及陳倉十鼓存

送沈鳳于歸吳興

昔別驚三歲重來售一經  
歸人指黃浦山色繞烏  
亭誰讀郊居賦家餘太祝廳  
沈相國之裔被園偕隱地羨  
煞白蘋汀

題善果寺竹示智道人

昨夜風雨過借問西軒竹  
一莖兩莖斜三莖四莖  
曲障開齊奇六出四散具平欲  
之其為王商真

秋夕同張晴峰工部顏修來吏部宋牧仲謝

方山二刑部幼華給諫集孫樹百給諫齋

聽修來彈琴作

愛君碧玲瓏盧霍如相接  
織竹盡嫵娟小松具鱗  
鬣上客朱絲絃曲終正三疊  
餘習未能忘聞音舞迦葉

寄梁曰緝侍御

與君契闊十載餘聞君却掃身  
巖居中年頗學慈氏法  
邇來兼讀長桑書梅開臘月一杯酒  
鄆陵蠟梅冠天下冰  
泮黃河雙鯉魚擬向老禪分講席  
狸奴白牯意何

如

憶公弼吏部

公弼未歿前一日與其友蘇銘茂存於鳳陽龍興寺禪喜竟日歸旅舍遂恒化是夕見夢

於蘇吟詩云六十年來一夢醒飄然四大御風輕與君昨日龍興寺猶是拖泥帶水行

弱草棲塵漫自驚  
知君解脫萬緣輕  
分明一笑凌雲去  
撒手靈芝殿上行

朱浙清明上河圖二首

萬伯修司馬家物

金明池上柳吹綿  
仕女紅妝照水鮮  
學取鵝黃宮樣窄  
一雙新畫孟家蟬

夢華髣髴舊東京  
瞥見丹青眼暫明  
忽忽停杯緣底事  
西風殘照近青城

送人

君家兩洞庭七十二峰青  
試吏繁臺下金門識歲星  
兔園凝暮靄鳧渚散秋螢  
悵別登高會西風酒易醒

感懷西樵東亭兩兄寄禮吉仲兄

行年將五十少壯彈指過  
秋眉失新綠白髮俄已多  
朝來朔風涼林葉辭故柯  
感此一悽愴東流無迴波  
故山有石田胡不歸巖阿  
兄弟半下泉得歸亦蹉跎  
沉憂結中腸即事成悲歌

秋杪獨遊善果寺智上人房懷亡友葉文敏



公

秋懷憺無豫古寺聊經行喬木何蒼然歸鳥時一  
 鳴雨久林葉積人稀秋草生帛公吾夙好敷坐衣  
 南榮壁間龍鸞書歲久猶崢嶸壁上有世祖皇帝御書  
 唐詩洞房昨夜春風起一  
首自署臆  
 菴道人昔遊偕故人共對寒泉清俛仰遂成昔存  
 沒倏自驚西景薄悲谷素魄無常盈世界真一漚  
 何物為冠纓徘徊日云夕駕言返東城

聞陳子文轉餉入蜀

鐵馬蠶崖路屯兵又十秋戰場山鬼嘯故國杜鵑  
 愁江抱青羊觀天橫白菟樓亂餘多感激高唱滿

西州

送虞虞山通參予告歸雲南

時年八十有五特  
 賜馳驛蓋異數云

兩朝黃髮承恩久萬里青蛉擁傳歸驛路近南梅  
 信早家山向日鷓鴣飛劫灰歷後昆明在華表來  
 時故舊非檢點賜衣重灑淚孝陵松柏已成圍  
 得董玉虬侍御書

離別是何日蒼茫十五年形容非少壯喪亂各風  
 煙諫草今誰識遺經好獨傳君註  
 三禮故交零落盡有夢  
 太湖邊

元祐黨籍碑

天津橋上啼杜鵑耕父已見清泠淵宮中堯舜不  
可作厚陵社飯悲年年二惇二蔡秉國軸同文館  
獄紛鈎連衣冠相望走嶺表一網盡矣嗟羣賢司  
空手籍元祐黨京自署司空尚書右僕射兼門下侍郎大書深刻相磨鐫  
彗星下掃文德殿毀碑夜半何喧闐攸攸狒狒一  
兒戲可惜宋社成南遷潭州死骨尚有臭黨人名  
字光中天西南荒徼八桂郡此碑千載人爭傳上  
云垂戒萬萬世其詞何異誅共驩從來青蠅亂白  
黑三代遺直今如弦小人勿用易所戒崇寧債轍  
無忘旃

輓陳其年簡討

晚蹋鳳凰池霜華已上髭不堪嫁阿鶩差喜得龜  
兒其年沒後立姪為嗣阜茨村南社青溪水畔祠至今傳樂部  
多是兩人詩

白鷹

白鷹生塞北秋向代川飛氣飽風霜勁眼空狐兔  
稀商飈動原野朔雪亂毛衣恥較韓盧疾雲霄萬  
里歸

牛孝標寫柴門深竹圖見贈

晨興掃落葉雙帚不能給高堂張畫圖忽覺秋光

入遠山紛合沓空翠嵐煙溼下有幽人居把茅誰  
所葺繞舍萬玉林排空各離立雨餘飛瀑下日暮  
清川急繫艇楓樹邊楓葉紅一色先生隱市令懸  
壺少人識詞客復畫師勿乃譏結習何日刺扁舟  
和歌戴青笠

題徐騎省集後二首

江左黃星事又新蕭蕭白髮入咸秦茂陵玉盃通  
天表未信初明是恨人

寂寥小雪閑中過斑駁新霜鬢上加徐擁鼻微吟  
一惆悵殘年風景又天涯

蠟梅

林下風姿世外妝烏丸雞距寫宮黃華清不按霓

裳舞輸與張裴小擅場

鄆陵蠟梅以裴氏張氏為冠每歲輦致京師有一株至白金一鏹者

冬夜詠說巖翰長貽詩感舊賦懷兼呈容齋

侍郎

效白體

凍雲釀雪故低垂手爇松明漏箭遲半世心期三  
歲字殘年風景六篇詩草橋南畔看花處浴殿西  
頭下直時暗數同遊幾人在吟成催白數莖絲

喬子靜編修見示使粵集既為序之復得一

絕句書於卷尾

澧蘭湘芷供章句海雨江風生齒牙却笑陸郎無  
此筆歸裝空載日南花

贈趙大理聲伯

聞君肥遯日耕釣富春山偶逐白雲出心將秋水  
閑高名滿人耳封事動天顏主聖容臣直何  
妨老抱關

題程青溪江山卧遊卷贈牧仲

平生楚尾與吳頭二十年中汗漫遊攬取江山歸  
尺幅寒宵翦燭說黃州

題張杞園浮家泛宅卷三首

君家好在春岑閣正直琅邪海上山一唱桃花流  
水引斜風細雨竟忘還

當年滄海橫流日祇羨王尼卧露車今日江湖波

浪穩不妨泊宅更浮家

方勺慕張志和為人於浮家泛宅之所  
買田築室自稱泊宅翁著泊宅編十卷

小剪山下縠紋層一艇延緣學最能茗水清清雪

水白水精宮闕近吳興

小剪山沈亞之故居杜牧之詩一  
夜小剪山下夢水如環珮月如襟

王魯珍畫安邑舜陵古松題之

鳴條岡下舜陵旁寫得虬姿百尺長惆悵九疑秋  
色遠萬竿斑竹淚瀟湘

和陳子文入蜀詩二首

鳳州三絕無纖手又少旗亭酒共傾唯有金絲幾

株柳臨江映驛拂人行古稱鳳州三絕手柳酒

右鳳縣金絲柳

乍食西川諸葛尊重誇楊樸紫芽辛柳家新樣君

從擅多少薑芽斂手人子文最工書法故云

右蜀薑

跋子文入蜀詩卷

萬里有行役三巴誰賞音經過下簾客風調倚樓

吟羯鼓高臨水蟬花秀出林舊遊離亂後棖觸十

年心

題韓醉白上巳圖

清湍修竹一塵無不羨珊瑚十萬株誰把蘭亭擬

金谷錯教逸少比齊奴

帶經堂集卷三十七

帶經堂集卷三十一

金谷詩林卷之五

青紫紛紛一氣無不羨無財十萬金

賦得白田圖

帶經堂集卷三十八

歙門人程哲校編

新城王士禛貽上

漁洋續詩十六

癸亥稿

送孫子立編修周星公禮部奉使安南二十

四韻

憶昔高平役於今歲屢遷遂休蠻觸鬪共識漢唐  
年文筥來何數包茅貢亦虔越裳馴白雉征戍罷  
朱鳶响町軍鋒擾西南殺氣纏妖氛橫象郡間道  
絕龍編正朔依然奉訛言幾處傳乾坤重盪滌遐  
邇盡陶甄使者南關入長安北斗邊職方陳貢贄

三子八  
鞬鞞列宮懸忠孝聞天語奎章照海堧飾終王  
禮備繼世主恩偏昨土諸侯貴行人二妙賢  
璽書頒冊府英蕩破蠻煙衡嶽開雲霧湘流任沂  
沿麾前驅瘴癘規外指星躔銅柱懷新息丹砂訪  
穉川採香三丈木縹繭八甌蟲綿飛鼠紅蕉裏羚羊  
碧樹巔檳榔供釀酒蚘子上盤筵風土由來異聲  
靈此日宣望塵紛絡驛騎象競駢闐國體千秋  
重輶車萬里旋交州新有記真見雒名田

玉泉

御宿川南似漢陂碧琉璃滑淨無泥穠桃弱柳垂

垂發沙燕鷓鴣故故低銀漢紅牆九天上流雲紫  
閣數峰西太平暇日稀遊豫碧草春深輦路齊

戲寄牧仲僉憲

憶上盤山正暮春山中吟望幾逡巡而今持節京  
東路恰與盤山作主人

鄂人王明府十洲酒間述漢陂高冠潭石淙  
之勝因賦二絕句

百里皆修竹陰森入漢陂朝朝看紫閣倒影散鳧

鷺

我愛高冠潭君家古潭上秦嶺微雨來瀑流懸百

文

銅鼓詩為孫樹百給事賦

征蠻壁壘沒寒煙誰遣罇于異代傳丞相天威播  
南詔中原王業起西川洛陽金馬題門日渭水銅  
人別漢年回首興亡已陳迹岑牟一笑晚風偏

得葉井叔書却寄

苦憶南陽子仍為汗漫游江湖得聲叟館閣失名  
流瓜步天連水蕪城鴈報秋遙知歸興好春浪散  
花洲

將發如臯留別辟疆于皇其年諸子

追錄乙巳年作

靡靡涼風發稍稍春雨繁落花夾城闈垂楊拂行  
軒曰歸忽不懌念我心所敦當歌喚奈何誰能不  
銷魂江山正遼落契闊異涼溫回首上巳日淶水  
開名園臨泛沂洲島賦詩映潺湲片月巖際出流  
照蒼筤根晨鼓已復鳴流連別山樊為樂能幾時  
信宿還西轅况乃杜陵叟昨日來東屯陳生復南  
渡黃歇波濤喧賓從半吳楚別思同湘沅逝矣光  
景邁懷哉洲渚言風歎烏帽側雨連極浦昏倚帆  
陳此詞思與晨風翻

送富磐伯禮侍子假歸閩



三十三  
上卿休沐賦閑居廿載承明許遂初往日東甌多  
壁壘於今南海盡車書綠榕紅荔逢鄉樹碧水丹  
山指故廬兩度君恩真不淺觚稜迢遞夢何如

丁巳歲閏初平  
宗伯奉使歸里

頃和陳子文蜀薑詩殊非本意再成一首為  
寄

蜀味初嘗萬里餘子薑作鱠憶鯽魚相思若遇東  
吳使為報張溫欲附書

送紀仲霽徵君赴鞏昌視弟子湘太守并呈  
令兄孟起給事

憶弟看雲久河梁此戒塗寒衣渡龍首登隴望鶉  
觚羌笛梅初落春塘草正敷定知青瑣暇西笑詠

同株

古詩三荆  
歡同株

懷東癡之德安

垂老佳廬去初看九疊屏江湖春浩浩雲霧晝冥  
冥名續高賢傳人占處士星

伍喬  
事

相思問鴻鴈幾日

泊宮亭

為高澹人侍讀題匡堰草堂圖

老屋丹楓裏清谿亂竹間偶然通略約隨意送潺  
湲飲酒復垂釣讀書仍閉關隔江青未了知是沃

洲山

興州

聞說興州地炎天冰雪遲行宮餘故礎野蔓覆殘  
碑虎旅迴遼海鸞旗拂具茨名王今款塞千帳荷  
恩私

古蹟三首為岳給事賦

有序

同年岳鎮九給事初知封丘縣頗以古循  
吏之治治其民以唐高常侍嘗為縣尉祀  
典闕焉乃剏為專祠又春秋黃池戰國青  
陵臺在縣境皆碑其處數百年廢墜之典

釐然修舉予嘉其事因為賦之

忠公拓落人好談王霸略一辭孟諸野微官此棲  
託把臂李杜遊慷慨吹臺作懷古薦溪毛風期緬  
猶昨

右高常侍祠

餘皇既已徙姑蘇亦已焚黃池尚爭長茶火矜三  
軍肥胡名幡不可見四野空寒雲大河隔濤江至今  
悲伍負

右黃池

東郭一曠望尚見青陵臺臺前兩梓樹古冢何崔

魏下有鴛鴦宿上有烏鵲哀遐哉一女子大義終  
不虧

右青陵臺

施愚山先生哀詩

耆舊凋零甚斯人尚典型詎知悲夜壑無復望晨  
星丹旒辭燕市青山返敬亭平生牙曠意絃絕若  
為聽

趙玉峰通政招同沈繹堂宮詹張箸漢太僕

郭快菴侍讀信初太常集金碧園

玉峰滇人園名  
善菴故鄉之思

雨歇涼生煙景昏高臺留客共開樽誰將漢苑丹

青樹種向幽人金碧園六詔祇今無斥堠五陵隨  
地足丘樊素心晨夕經過數便擬柴桑處士村

嚴人弘寫碧山吟社圖題詩留別用韻送之

碧山吟社好幾日返雲林晏起翠微曉開門黃葉  
深君歸自丘壑予興在登臨賴畫滄洲趣朝朝慰  
陸沈

懷山長赴澄海令

萬里炎方去孤城海氣寒土風問瀧吏南食閱珠  
官垂老功名薄投荒瘴癘寬酒壚空在眼耆舊已

凋殘

時愚山  
初歿

樹百軒前小山成

曲棧遊秦路清流入剡山豈知千里興宛在一庭  
間水竹自幽映輕條時往還晚涼明月好吟坐石  
苔斑

題高侍讀賜榴圖二首

紅纈晶丸破晝陰賜來和露主恩深烏裊綠柰  
黃銀樹不羨虞淵記上林  
憶曾綈几侍揮毫晝漏遲遲禁籞高聽徹宮鶯春  
雨細金盤簾下賜櫻桃

九日慈仁寺閣同舍人姪贈張子石宗

岩堯踏飛閣明迥愛秋空暫藉能仁力來乘禦寇  
風寧臺聞自昔碣石眺從東張翰黃花句深知五  
字工

九日慈仁寺送陳子之安平令

將較刊令兄其  
年太史遺集

偶來慈氏閣表裏望神州才子穀丘長告子將遠  
遊佳名重九日古邑鄂千秋  
鄂千秋封  
安平侯珍重文園草  
應勞漢主求

東汪季

愛君別館種梧桐下直清樽酒不空出水芙蓉三  
百字承恩新上御屏風

送黃自先之官平遠

水西何處是險絕播州東四郡千山外諸夷一線  
通聞猿思故國騎象識蠻風荒服皆王土無勞歎  
轉蓬

送黃方叔之官山海

翩翩黃叔度揖我向榆關半刺今為政長城無限  
山扶餘潮信外孤竹夕陽間重鎮當年地茫茫古  
戍閑

送吳及良之官襄陽

班馬意徘徊垂楊拂酒杯襄陽耆舊地別駕士元

才鄉味槎頭近江流峴首來定尋皮與子孟浴月鹿  
門迴

過宣城館有感

愚山  
故居

暮天黃葉落一過西州門無復高人迹空聞宿鳥

喧新阡思挂劍

愚山屬子序其  
文集尚未脫稿

舊館憶開樽南望澄江

水誰招屈宋魂

汪鈍菴六十

少壯一彈指君今六十強相逢顏色改別後鬢毛  
蒼名在儒林傳經傳弟子行河汾姚與薛幾輩許  
升堂

劉甥畫馬

年少挽螯弧能騎生馬駒明牕寫神駿匹練出余  
吾滅沒爭飛鳥風塵見過都他年問孤竹猶可識  
長途

讀宋胡忠簡公經筵問答題後二絕句

玉荷杯內酌流霞宮漏無聲江月斜親聽君王歌  
一曲南屏鐘動柳啼鴉

御香都染侍臣衣回首神霄是禁闈却憶宣和當  
日事玉真軒裏見安妃

賦得滄浪亭送尤悔菴檢討

平生愛蘇子高唱滄浪吟蘇子去已久滄浪清至

今戲魚明鏡闊

見子美集滄浪觀魚詩

喬木古亭深

見歐公滄浪亭詩

送爾

濯纓曲知予濠濮心

牧仲寄示秋日巡海雜詩

不見宋生久詩來海上峰振衣臨渤碣長嘯動魚  
龍孤竹瞻高節烏丸指舊封聽潮相憶處吟斷角  
山鐘

顧茂倫吳漢槎撰絕句詩國朝止三家乃

以拙作參牧翁鈍菴之間因戲寄二首并

示鈍老

少日詞場偶噉名重教刻畫太癡生他年傳唱蠻  
中去幾許弓衣織得成  
老去心情百不宜楞伽堆案已嫌遲誰能更與堯  
峰叟賭取黃河遠上詞

澣山道中

追錄順治壬辰  
年十九歲作

斷靄望沈沈關河歲暮心蒼山連凍浦雪屋入寒  
林鳧鴈荒陂晚雞豚古社深墨王亭畔路載酒憶  
登臨

聞濟寧災

流字驚傳犯鳥帑任城萬戶委寒蕪空聞梓慎登

臺望曾見爨巴喫酒無慘澹鄭人三日哭倉皇毫  
社幾朝呼雖然天道渾茫昧實恐蒼生喘未蘇

題王勤中松菊圖

三徑荒蕪憶故林何來松菊草堂陰憑將笠澤高  
人筆寫出柴桑處士心

淮上寄汪茗文金陵

追錄庚  
戌年作

黃河冰凌高十丈雪花如笠朔風吹憶君官閣同  
文李坐對鍾山拄笏時

謂李武曾  
文與也

與趙秋水話申鳧盟遺事感賦

滄水去涓涓東流繞墓田忽驚辰己夢重憶甲申

年

謂鳧盟尊人節  
愍公甲申殉節

夜雨啼山鬼青春叫杜鵑平生趙元

叔白首話燈前

戲書屏風絕句

孫劉縱遣不三公一笑尊前百態空寄語吾家光

祿道那能屈曲作屏風

得吳天章長沙消息

吳郎愛棲遁家在玉溪頭

即李義山故居

路入王官谷泉通

底柱流江山賈誼宅風雨洞庭舟莫作瀟湘客瀟

湘水易愁

輓孫子立編修因懷愚山侍讀

日哭會皇

昔送君行社燕過承恩雙闕動驪歌今聞君逝寒

梅發望遠三湘弔汨羅

歿於全州

白馬流蘇西粵返啼鳥

玉箸北堂多風流一代俱黃土萬古澄江水自波

送成仲謙參議再赴武昌

分憲武漢黃三郡

千騎擁輕裘英風壓上流鳴笳漢陽樹吹笛武昌

樓名士周公瑾重來郭細侯雪堂還載酒明月滿

黃州

雪中靈轡道人同楊水心見過

道人謝氏

謝公居剡後禪藻在諸孫何意杼山老雪中來叩

門行忘石頭滑坐愛地爐温况是逢桑苧清詩與



三子世一  
共論

幼華升六過予書舟同舍人姪菊下小飲  
獵圍行炙錦驤裏樺燭傳觴金橐駝何似茅齋風  
雪夜一杯殘菊影婆娑

答牧仲送梁苑木瓜因懷愚山

珍比沙棠定不如潞亭尺素到雙魚梁園未入鄒  
枚賦禹貢宜先橘柚書古禮誰能廢苞苴風人終  
擬報瓊琚舊遊契闊兼生死况復流光逼歲除

昔與

愚山冰修耦長諸公唱和木瓜詩今已四載愚山歿且久矣

題趙伸符編修寫真

松花謾謾吹玉缸揮毫三峽流春江未論文雅世  
無輩風貌阮何誰一雙

雪中語費葛陂

五出縈空密復斜勞君相置碧溪涯林塘雪後無  
人迹開徧黃梅千樹花

輓應嗣寅徵士

聞道錢江上星文隕少微庭空白楊樹壁冷芰荷  
衣小草生無愧柴桑志不違九原林處士山水共  
清暉

聞鐘

三十九  
海峽言卷一  
三  
祇林夜半聞霜鐘萬籟俱寂唯虛空我聞忽與百  
丈同一喝三日猶耳聾

筵上贈周即墨吧公

剡谿多名山君家窮剡源雪竇峰曉秀鮎亭潮夜  
喧昔君結茅處蘿月聞清猿少年偶試吏鍛羽防  
飛翻山頭望廷尉牘背騰謗言蕭灑解黃綬寄跡  
空山村崑崙富靈境二勞當縣門爲欲東浮海且  
聞西入關北風吹歲暮雪霰淒以寒肝膽醉後吐  
意氣猶騰騫陋巷車馬絕纖月升前軒抱被肯留  
宿地爐松火温

與尹瀾柱鄭山公諸同年登九蓮閣  
憑欄試騁望遠近一寒林不見西山色蒼茫雲外  
深

答朱竹垞檢討

有序

竹垞題畫贈予詩云澣山灤口水模糊穉  
柳夭桃何處無他日雪堂留客徑不難疏  
鑿擬西湖因答一絕句

澣山灤水如玦環東接魯陂煙霧間看畫吟詩起  
鄉思墨王亭上好雲山

雪中聞東癡先生歿於德安二首

垂老依人惜解攜招魂不返大江西他年壠樹逢  
寒食應有子規來上啼

年年共賦梁園雪此事回頭三十年今日雪中君  
不見兩行清淚草堂前

往歲里居每雪後與先生  
必有倡和之作至數十首

### 憶山居示兒子

堂靜看歸燕村深報午雞松花開細雨筍竹迸春  
泥澗道水兼石山田高復低休慙令狐子甃勉把  
鉏犁

### 戲寄子重吏部使蜀

西川行色去悠悠濯錦江空不耐秋只有兩般堪

乞得羅江犬子石泉猴

### 題樊圻畫爲紀給事

春衣夜宿長干寺蠟屐晨登木末亭忽見畫圖如  
夢裏遠山未了六朝青

### 寄靈巒

看山復臨水蕭灑坐禪身我愧龐居士師如竺道  
人打包殘雪映歸寺藥苗春石澗新流滿相期淨  
六塵

帶經堂集卷三十八

人休空處雪如翻寺藥苗春石點條流滿時時影  
香山野韻水蕭蕭坐野良知劇飄吾士袖吹竺簞

寄靈巖

夢裏遊山未了六時音

春水空留身于寺野風景登末末亭心良畫圖吹

與樊社畫為餘命事

乞野羅公大千石泉莊

淚三架

